

«26» փետրվարի 2021թ.

ք. Վանաձոր

Հայաստանի Հանրապետության պետական եկամուտների կոմիտեի Արևյան մաքսատուն-վարչության պետ Գարիկ Դարբինյանս, քննելով «Էկո Ֆրուտ» ՍՊԸ-ի մաքսային ձևակերպումներ իրականացրած «ԳԵՈՊՐՈԵԿՏ» ՍՊԸ-ի (ՀՎՀՀ 07616541) մաքսային միջնորդ՝ Մհեր Վրեժի Մամյանի վերաբերյալ նյութերը,

Պ Ա Ր Զ Ե Ց Ի

ՀՀ ՊԵԿ ներքին աուդիտի վարչության աշխատակիցները ղեկավարվելով ՀՀ ՊԵԿ նախագահի 2019 թվականի հոկտեմբերի 3-ի թիվ 638-Ա հրամանը՝ ՀՀ ՊԵԿ ներքին աուդիտի վարչությունը 2019 թվականի հոկտեմբերի 7-ից մինչև նոյեմբերի 1-ն ընկած ժամանակահատվածում ՀՀ ՊԵԿ Արևելյան մաքսատուն-վարչության Բագրատաշենի (այսուհետ Մաքսակետ) և Այրում-Ջիլիզայի մաքսային կետ-բաժիններում (այսուհետ նաև՝ Մաքսակետեր) իրականացրել են համակարգի գնահատման աուդիտ՝ հնարավոր ռիսկերի բացահայտման և ներքին հսկողության համակարգերի գնահատման նպատակով, ինչպես նաև իրականացվող ընթացիկ աշխատանքների՝ սահմանված գործառույթներին համապատասխանության ուսումնասիրություն: Ուսումնասիրության արդյունքում հայտնաբերել են, որ «Էկո Ֆրուտ» ՍՊԸ-ի անվամբ թիվ 05100033/250119/0000349, հայտարարագրով հայտարարագրվել է «Թարմ տանձ» տեսակի ապրանք: Ապրանքն ըստ ԱՏԳԱԱ-ի դասակարգելիս տրվել է 08134030000 ստորաենթադիրքը, մինչդեռ հայտարարագրված ապրանքը համապատասխանում է 08083090 ենթադիրքին:

«Էկո Ֆրուտ» ՍՊԸ-ի թիվ 05100033/250119/0000349 ապրանքային հայտարարագրով ներմուծված ապրանքների մաքսային ձևակերպումներ իրականացրած «ԳԵՈՊՐՈԵԿՏ» ՍՊԸ-ի մաքսային միջնորդ՝ Մհեր Մամյանի նկատմամբ ՀՀ մաքսային օրենսգրքի 203-րդ հոդվածի հատկանիշներով 09.02.2021թ. ՀՀ ՊԵԿ Արևելյան մաքսատուն-վարչության Բագրատաշենի մաքսային կետ բաժնի գլխավոր մաքսային տեսուչ-իրավաբանի կողմից կազմվել է մաքսային կանոնների խախտման վերաբերյալ արձանագրություն:

Նշանակվել է գործի քննություն 26.02.2021թ. ժամը 11:30-ին, որի մասին վերջինս պատշաճ ծանուցվել է, սակայն չի ներկայացել գործի քննությանը:

ԵԱՏՄ մաքսային օրենսգրքի (այսուհետ՝ Օրենսգիրք) 2-րդ հոդվածի 7-րդ կետի համաձայն՝ հայտարարատուն այն անձն է, որը հայտարարագրում է ապրանքներ կամ որի անունից հայտարարագրվում են ապրանքներ, իսկ 35-րդ կետի համաձայն մաքսային հայտարարագրումը մաքսային մարմնում մաքսային հայտարարագրի միջոցով ապրանքների վերաբերյալ տեղեկությունների, ընտրված մաքսային ընթացակարգի վերաբերյալ և (կամ) ապրանքների բացթողման համար անհրաժեշտ այլ տեղեկությունների հայտագրումն է:

Օրենսգրքի 84-րդ հոդվածի 2-րդ կետով սահմանված են հայտարարատուի պարտականությունները, այն է՝ կատարել ապրանքների մաքսային հայտարարագրում, մաքսային մարմին ներկայացնել մաքսային հայտարարագրում հայտագրված տեղեկությունները հաստատող փաստաթղթեր, ներկայացնել հայտարարագրվող ապրանքները և վճարել մաքսային վճարները, իսկ 3-րդ կետի համաձայն հայտարարատուն անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ հայտագրելու, ինչպես նաև մաքսային ներկայացուցչին անվավեր, այդթվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

Օրենսգրքի 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: Մաքսային հայտարարագրումն իրականացվում է գրավոր և (կամ) էլեկտրոնային եղանակով: ԵԱՏՄ մաքսային օրենսգրքի 106-րդ հոդվածով սահմանվում են ապրանքների հայտարարագրերում նշման ենթակա տեղեկությունները: Սույն հոդվածի 1-ին մասի 4-րդ կետի համաձայն՝ հայտարարագրում նշվում են տեղեկություններ նաև ապրանքների մասին, որոնց մեջ ի թիվս այլոց նշվում է անվանումը, նկարագրությանը, որն անհրաժեշտ է այն մաքսային վճարների, հատուկ, հակազնազցման, փոխհատուցման տուրքերի և այլ վճարների հաշվարկման և գանձման համար, ապրանքների ծածկագիրը՝ Արտաքին տնտեսական գործունեության ապրանքային անվանացանկին համապատասխան:

Օրենսգրքի 401-րդ հոդվածի 1-ին և 2-րդ մասերի համաձայն՝ մաքսային ներկայացուցիչը հայտարարատուի կամ այլ շահագրգիռ անձ անցանունից և

ներանց հանձնարարությամբ իրականացնում է մաքսային գործառնություններ այն անդամ պետության տարածքում, որի մաքսային մարմնի կողմից նա ընդգրկվել է մաքսային ներկայացուցիչների ռեեստրում՝ մաքսային կարգավորման ոլորտի միջազգային պայմանագրերին և ակտերին համապատասխան, մաքսային ներկայացուցչի հարաբերությունները հայտարարատուների կամ այլ շահագրգիռ անձանց հետ ձևավորվում են պայմանագրային հիմքի վրա:

Օրենսգրքի 405-րդ հոդվածի 1-ին մասի 6-րդ կետի համաձայն՝ մաքսային ներկայացուցիչը պարտավոր է կատարել սույն Օրենսգրքով սահմանված և (կամ) անդամ պետությունների՝ մաքսային կարգավորման վերաբերյալ օրենսդրությամբ սահմանվող այլ պարտականություններ: Օրենսգրքի 20-րդ հոդվածի 1-ին և 4-րդ մասերի համաձայն՝ հայտարարատուն և այլ անձինք ապրանքների դասակարգումն իրականացնում են ԱՏԳ ԱԱ-ին համապատասխան՝ մաքսային հայտարարագրման ժամանակ և այն դեպքերում, երբ մաքսային կարգավորման ոլորտի միջազգային պայմանագրերի ու ակտերի համաձայն, մաքսային մարմին են հայտնում ապրանքի ծածկագիրը՝ Արտաքին տնտեսական գործունեության ապրանքային անվանացանկին համապատասխան:

«Մաքսային կարգավորման մասին» ՀՀ օրենքի 30-րդ հոդվածի 2-րդ մասի 3-րդ կետի համաձայն՝ մաքսային ձևակերպումների մասնագետի որակավորման վկայական ստանալու պարտադիր պայմաններից է՝ մաքսային օրենսդրությանը տիրապետելը:

Ըստ փաստաթղթերի ներմուծվել է «Թարմ տանձ», «Էկո Ֆրուտ» ՍՊԸ-ի կողմից ներկայացվել է ապրանքի վերաբերյալ մանրամասն տեղեկություններ, ապրանքի ծածկագիրը որոշելու համար: Միեր Մամյանը կարող էր պահանջել լրացուցիչ տեղեկություններ կամ տեղեկությունները ստանալ համացանցում առկա տեղեկատվական աղբյուրներից և ներ ճիշտ ծածկագիրը:

Ելնելով վերոնշյալից՝ Միեր Մամյանը պարտավոր էր իրականացնել «Էկո Ֆրուտ» ՍՊԸ-ի կողմից ձեռք բերված 120 կգ նետտո քաշով «Թարմ տանձ» ապրանքի նկարագրության ուսումնասիրում և փաստացի ԵԱՏՄ ԱՏԳ ԱԱ 080830900 ծածկագրով հայտարարագրում:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով

տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության: Սույն դեպքով հայտարարտուի անունից հայտարարագիրը լրացրել է Մհեր Մամյանը:

ՀՀ մաքսային օրենսգրքի 203-րդ հոդվածի 1-ին մասի համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը՝ որի արդյունքում չի առաջանում մաքսային վճարների (բացառությամբ մաքսավճարի) պակաս հաշվարկում կամ չհաշվարկում, ինչպես նաև ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ 50.000 դրամի չափով:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Վարչական իրավախախտումների վերաբերյալ ՀՀ օրենսգրքի 37-րդ հոդվածի 3-րդ պարբերության համաձայն՝ մաքսային կանոնների խախտման վերաբերյալ գործերով վարչական տույժը կարող է նշանակվել իրավախախտումը հայտնաբերելու օրվանից երկու ամսվա ընթացքում, սակայն ոչ ուշ քան իրավախախտումը կատարվելու օրվանից 3 տարվա ընթացքում:

Այսպիսով, նյութերով պարզվել է, ՀՀ-ում գործող «Էկո Ֆրուտ» ՍՊԸ-ի անվամբ ՀՀ ներմուծված և փաստացի ԵԱՏՄ ԱՏԳ ԱԱ 08083090 /թարմ տանձ/ ծածկագրի տակ դասակարգվող ապրանքը՝ «Էկո Ֆրուտ» ՍՊԸ-ի մաքսային ձևակերպումներ իրականացրած Մհեր Մամյանը 25.01.2019թ. թիվ 05100033/250119/00000349 ապրանքների հայտարարագրով հայտարարագրել է ոչ ճիշտ ԵԱՏՄ ԱՏԳ ԱԱ 08134030 ծածկագրով /չորացրած տանձ/: Նշված հայտարարագրում 2-րդ անուն ապրանքի ծածկագրի ոչ ճիշտ

նշելը չի առաջացել մաքսային վճարների պակաս հաշվարկում /հիմք թիվ Ն/22-4.4/26789-2021 գեկուցագիր/:

Այսինքն՝ Միեր Մամյանը թույլ է տվել ՀՀ մաքսային օրենսգրքի 203-րդ հոդվածի 1-ին մասով նախատեսված մաքսային կանոնների խախտում, ինչը հիմնավորվում է 09.02.2021թ.-ին կազմված մաքսային կանոնների խախտման արձանագրությամբ, 2019թ. ՀՀ ՊԵԿ ներքին աուդի վարչության կողմից իրականացրած համակարգի գնահատման աուդիտով և 20.01.2019թ. թիվ 05100033/250119/0000349 ապրանքների հայտարարագրով:

Վերոգրյալի հիման վրա և ղեկավարվելով ՀՀ ՎԻՎ օրենսգրքի 37-րդ հոդվածի 3-րդ պարբերության, ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ, 206-րդ և 221-րդ հոդվածներով,

Ո Ր Ո Շ Ե Ց Ի

1. Միեր Մամյանին (ՀՀ, Տավուշի մարզ, ք. Նոյեմբերյան, Անդրանիկի 7/31, անձն. AP0627741) ճանաչել զանցառու ՀՀ մաքսային օրենսգրքի 203-րդ հոդվածի 1-ին մասի հատկանիշներով և նրան տուգանել 50000 ՀՀ դրամ:
2. Որոշման մասին հայտնել Միեր Մամյանին:
3. Պարզաբանել, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ ՄՕ 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված տուգանքի վճարման հաշվեհամարն է. 900005024055 (ՀՀ պետական բյուջե, կենտրոնական գանձապետարան, Արևելյան մաքսադուրն-վարչություն, ԿՈԴ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ



Գ. ԴԱՐԲԻՆՅԱՆ